



БЕКІТІЛДІ
«AltynLand» бөбекжайының
жалғыз құрылтайшысының
2023 жылы «25» шілдесіндегі
№1 шешімімен

«AltynLand» бөбекжайының ЖАРҒЫСЫ

Орал қаласы, 2023 ж.

1-тарау. Жалпы ережелер

1.1. «AltynLand» жауапкершілігі шектеулі серіктестігі (бұдан әрі – «Серіктестік») Қазақстан Республикасында заңды тұлға болып табылады және заңнамаға сәйкес шағын кәсіпкерлік субъектісі болып саналады.

- Серіктестіктің атауы: «AltynLand» бөбекжайы.

- Мемлекеттік тілдегі толық атауы: «AltynLand» жауапкершілігі шектеулі серіктестігі.

- Орыс тіліндегі толық атауы: Товарищество с ограниченной ответственностью «AltynLand».

1.2. Серіктестіктің құрылтайшылық негізі Жалғыз құрылтайшының шешімімен айқындалады. Бөбекжай өз қызметін Қазақстан Республикасының Конституциясы, «Білім туралы» Заңы, Мектепке дейінгі білім беру ұйымдары қызметінің үлгілік қағидалары және осы Жарғы негізінде жүзеге асырады.

1.3. Серіктестіктің заңды мекенжайы: Қазақстан Республикасы, Батыс Қазақстан облысы, пошта индексі 090010, Орал қаласы, Көкжиек ш/а, Жаяу мұса көшесі, үй 2.

1.4. Қызмет ету мерзімі шектелмеген.

2-тарау. Құрылтайшылар құрамы

2.1. Серіктестіктің жалғыз Құрылтайшысы (Қатысушысы): Мусаева Айнара Айболатовна (12.01.1993 ж.т., жеке куәлік №044920140, 24.09.2018 ж. ҚР Әділет министрлігімен берілген). Серіктестік мүлкіндегі үлесі – 100%.

2.2. Бөбекжай Қазақстан Республикасының «Білім туралы» Заңына сәйкес мемлекеттік аттестаттаудан өтеді.

2.3. Бөбекжайда саяси партиялардың, қоғамдық-саяси қозғалыстар мен ұйымдардың құрылымдарын құруға және олардың қызметіне жол берілмейді.

2.4. Бөбекжайда ерекше білім беруді қажет ететін балаларға кешенді педагогикалық және әлеуметтік-педагогикалық көмек көрсету мақсатында инклюзивтік білім беру жұмысы міндетті түрде жүзеге асырылады.

3-тарау. Бөбекжайдың мақсаттары, міндеттері және қызметінің мәні

3.1. Негізгі мақсаттары:

- Мектеп жасына дейінгі балалардың дене және психологиялық саулығын қорғау және нығайту, салауатты өмір салтына тарту.
- Балалардың зияткерлік және жеке тұлғалық дамуын қамтамасыз ету, жалпыадамзаттық және ұлттық құндылықтарға баулу.
- Тәрбиеленушілердің өз бетімен сөйлеуге деген ынтасын, шығармашылық қабілеттерін дамыту.
- Балалардың мектепке дейінгі тәрбие беру мен оқытудың мемлекеттік бағдарламаларын сапалы меңгеруі үшін тиісті жағдай жасау.
- Бес жастан бастап балаларды мектепалды даярлық түрінде мектепте оқуға міндетті түрде дайындау.

3.2. Бөбекжайдың міндеттері мен қызмет мәні:

- Тәрбиеленушілердің өмірі мен денсаулығын қорғауды қамтамасыз ету.
- Мектепке дейінгі тәрбие мен оқытудың жалпы білім беретін, арнайы оқу және жеке дамыту бағдарламаларын іске асыру.
- Ата-аналарға балаларды тәрбиелеу, оқыту және дамыту бойынша консультативтік, әдістемелік және педагогикалық ағарту көмегін көрсету.

3.3. Төтенше жағдайлар кезіндегі жұмыс режимі:

- Төтенше жағдай, карантин және басқа да тәрбиеленушілердің денсаулығына қауіп төндіретін жағдайлар орын алған кезде бөбекжай Қазақстан Республикасының заңнамалық актілеріне сәйкес, қашықтықтан жұмыс жасау және оқыту тәртібіне көшеді.

4-тарау. Білім беру үдерісі және бағдарламалар

4.1. Бөбекжайдың тәрбие және білім беру қызметі Мектеп жасына дейінгі тәрбие беру мен оқытудың мемлекеттік жалпыға міндетті білім беру стандарттары (МЖБС) негізінде дайындалған бағдарламалар мен оқу жоспарларына сәйкес жүзеге асырылады.

4.2. Тиімді тәрбие беру процесін қамтамасыз ету үшін бөбекжай педагогтарға авторлық бағдарламаларды таңдауға, қолдануға, ҚР білім беру саласындағы уәкілетті органы бекіткен жаңа технологияларды енгізуге құқық береді.

5-тарау. Бөбекжайға қабылдау тәртібі

5.1. Балаларды қабылдау «Мектепке дейінгі білім беру ұйымдарына құжаттарды қабылдау және балаларды қабылдау» туралы мемлекеттік қызмет көрсету стандартына сәйкес жүзеге асырылады.

5.2. Өтініштерді есепке алу, қабылдауға арналған жолдамаларды рәсімдеу және беру тәртібін білім саласындағы уәкілетті орган анықтайды.

5.3. Балаларды қабылдау кезінде тестілеуден өтпейді.

5.4. Балаларды шығару Қазақстан Республикасының заңнамасында көрсетілген актілермен және мектепке дейінгі ұйымдар қызметінің үлгілік қағидаларына сәйкес келесі жағдайда айқындалады:

1. Мектепке дейінгі ұйым мен тәрбиеленушінің ата-анасының немесе өзге де заңды өкілінің арасындағы шарттың талаптарын бұзылған;

2. Тәрбиеленуші бір айдан астам дәлелсіз себеппен және әкімшілікке ескертпей, мектепке дейінгі ұйымға келмеген;

3. Дәрігерлік консультациялық комиссия анықтамасының негізінде тәрбиеленушінің келуіне кедергі болатын медициналық қарсы көрсетілімдер болған жағдайларда.

5.4.1. Тәрбиеленушінің орны:

1. тәрбиеленуші ауырған, денсаулық сақтау және басқа ұйымдарда емделген, сауықтырылған, денсаулығын түзеткен және оңалтылған (көрсетілімі бойынша анықтама және қорытынды ұсынылған жағдайда) кезде;

2. тәрбиеленушінің ата-анасының бірі немесе заңды өкілі тәрбиеленушінің жылына екі айдан артық емес мерзімде демалысқа немесе емделуге жазбаша өтініш ұсынған жағдайда;

3. елді мекенде төтенше жағдай (әлеуметтік, табиғи, техногенді сипаттағы төтенше жағдайлар), карантин енгізілген кезеңде сақталады.

6-тарау. Тәрбие және білім беру үдерісін ұйымдастыру

6.1. Серіктестіктегі оқу-тәрбие процесі мектепке дейінгі тәрбиенің, оқытудың мемлекеттік жалпыға міндетті стандарты негізінде әзірленген бағдарламаларға және оқу жоспарларына сәйкес жүзеге асырылады.

6.2. Серіктестік мектепке дейінгі тәрбиелеу мен оқытудың мемлекеттік жалпыға міндетті стандартын сақтау шартымен тиімді тәрбиелеу-білім беру процесін қамтамасыз ету үшін (баланың жеке басының шығармашылық, рухани және дене мүмкіндіктерін дамыту, адамгершілік негіздерін және салауатты өмір салтын қалыптастыру) педагогтарға баламалы авторлық бағдарламаларды таңдау, қолдану, тәрбиелеудің, оқытудың және сауықтырудың жаңа технологияларын енгізу құқығын береді.

6.3. Серіктестік 1-сыныпқа қабылданғанға дейінгі және мектеп жасына дейінгі топтардың болуын қарастырады.

6.3.1. Серіктестік топтарының толымдылығы Қазақстан Республикасының халықтың санитариялық-эпидемиологиялық

саламаттылығы саласындағы нормативтік құқықтық актілерге сәйкес жүзеге асырылады.

6.3.2. Топтардың толықтырылуы мектепке дейінгі ұйымдар қызметінің үлгілік қағидалары жас ерекшелігі бір және әртүрлі қағидасы бойынша жүзеге асырылады.

6.4. Топтар тәрбиеленушілердің болу уақыты бойынша бөлінеді және толық күні болу режимі жұмыс істейді.

6.5. Серіктестік бес жастағы және 1-сыныпқа қабылданғанға дейін тәрбиеленушілерді тәрбиелеу, оқыту, дамуындағы ауытқуды түзету және әлеуметтік бейімдеу, дамыту және медициналық бақылау, сондай-ақ қарау, бағу және сауықтыру бойынша мемлекеттік білім беру тапсырысын, орындауды қамтамасыз етеді.

6.6. Серіктестік өз қызметін келесі кезеңдер бойынша ұйымдастырады:

1. 1 қыркүйек пен 31 мамыр аралығында – оқу жылы;
2. 1 маусым мен 31 тамыз аралығында – жазғы сауықтыру кезеңі;
3. Мектепалды даярлық бағдарламасын өткен тәрбиеленушілерді Серіктестіктен шығару жыл сайын 1 тамызға дейін жүзеге асырылады;
4. Тәрбиеленушілерді бір жас тобынан басқасына ауыстыру тәрбиеленушінің ағымдағы күнтізбелік жылдағы толық жасын ескере отырып, ағымдағы жылғы 1-31 тамыз аралығында жүзеге асырылады.

6.7. Серіктестік балаларды теңгерімді тамақтандыруды қамтамасыз етеді. Балаларды тамақтандыру жас ерекшеліктерін, жұмыс режимін ескере отырып жүргізіледі, оның жиілігі Қазақстан Республикасының халықтың санитариялық-эпидемиологиялық саламаттылығы саласындағы нормативтік құқықтық актілеріне сәйкес айқындалады.

Серіктестік тәрбиеленушілерінің тамақтану мәдениетін қалыптастыруды, оның ішінде пайдалы теңгерімді тамақтануды әрі табиғи және жаңа піскен өнімдерді тұтынуды насихаттау арқылы қамтамасыз етеді.

6.8. Серіктестік әрбір жас деңгейіне арналған мемлекеттік жалпыға міндетті білім беру стандарттарына сәйкес мемлекеттік және ресми тілде білім береді.

6.9. Тәрбиелеу білім-беру процесін қамтамасыз етуде Серіктестіктегі әр тәрбиеленушіге мыналарға кепілдік беріледі:

1. оның өмірі мен денсаулығын сақтау;
2. оның қадір-қасиетін қорғау;
3. дене, моральдық немесе психикалық зорлықтың барлық нысандарынан қорғау;
4. оның шығармашылық қабілеттері мен ынтасын дамыту;
5. сапалы мектепалды даярлау;
6. дамуындағы кемшіліктерді түзету үшін білікті көмек алу;

7. бейімділігіне, қабілеттеріне, қалауына және денсаулық жағдайына сәйкес қосымша білім беру, сауықтыру қызметтерін алу.

7-тарау. Білім сапасын бақылау және аттестаттау

7.1. Білім беру сапасын бақылауды кезеңдік тексерулер арқылы білім беруді басқарудың мемлекеттік органдары мен бөбекжай мамандары бірлесіп жүзеге асырады.

7.2. Басшылар мен педагогтер Қазақстан Республикасының заңнамасына сәйкес Педагогтерді аттестаттаудан өткізу қағидаларына сай уақтылы аттестаттаудан өтіп тұрады.

8-тарау. Бөбекжайды басқару және сыбайлас жемқорлыққа қарсы іс-қимыл

8.1. Бөбекжайды басқару дара басшылық және алқалық басқару қағидаларының үйлесімділігі бойынша құрылады.

8.2. Жалғыз құрылтайшының құзыреті: Бөбекжайдың қаржылық-шаруашылық қызметін бақылау, Жарғыға өзгерістер енгізу, оны қайта құру немесе тарату туралы шешімдер қабылдау.

8.3. Бөбекжай меңгерушісі (Басшысы):

- Бөбекжай атынан сенімхатсыз әрекет етеді, барлық мемлекеттік және жеке ұйымдарда оның мүддесін білдіреді.
- Келісімшарттар жасайды, банктерде шоттар ашады, қаржы қаражатын заңнама аясында басқарады.
- Кадрларды іріктеуді жүзеге асырады, қызметкерлерді жұмысқа қабылдайды және босатады, өз құзыреті шегінде бұйрықтар шығарады.
- МЖБС талаптары мен санитариялық-гигиеналық нормаларға сай қауіпсіз даму ортасын құрады.

8.4. Алқалық басқару органдары: Бөбекжайда алқалық басқару нысаны ретінде Педагогикалық кеңес және Қамқоршылық кеңесі құрылады және әрекет етеді.

8.5. Сыбайлас жемқорлықтың алдын алу: Бөбекжай басшылығы білім беру ұйымында сыбайлас жемқорлыққа қарсы заңнаманың сақталуын қамтамасыз етеді, сыбайлас жемқорлық көріністерінің алдын алу және жою бойынша жүйелі шаралар қабылдауды ұйымдастырады.

9-тарау. Серіктестіктің тәрбиеленушілерімен және олардың ата-аналарымен және өзге де заңды өкілдерімен қатынастарын рәсімдеу тәртібі.

Білім беру үрдісіне қатысушылардың құқықтары мен міндеттері.

9.1. Тәрбиелеу – білім беру процесінің негізгі субъектілері тәрбиеленушілер, ата-аналар немесе заңды өкілдері, тәрбиешілер және басқа да педагогтар болып табылады.

9.1.1. Серіктестік тәрбиеленушісінің, ата-аналары мен қызметкерлерінің қарым-қатынасы оқыту-тәрбиелеу процесіне қатысушылардың өзара сыйластығы және жеке ерекшеліктеріне сәйкес тәрбиеленушіге даму еркіндігін ұсынуды ескере отырып, ынтымақтастық негізде құрылады.

9.2. Серіктестіктегі білім беру үрдісіне қатысушылардың құқықтары мен міндеттері «Білім туралы» Қазақстан Республикасының Заңы, осы Жарғы және ішкі тәртіп ережелерімен реттеледі.

9.3. Серіктестіктің тәрбиеленушілері:

- 1) мемлекеттік жалпыға міндетті білім беру стандарттарына сәйкес сапалы білім алуға;
- 2) Серіктестік кеңесінің шешімі бойынша жалпыға міндетті мемлекеттік білім беру стандарттары шеңберінде жеке оқу жоспарлары, қысқартылған білім беру бағдарламалары бойынша оқуға;
- 3) өзінің бейімділігі мен қажеттіліктеріне сәйкес ақылы негізде қосымша білім беру қызметтерін алуға;
- 4) акпараттық ресурстарды тегін пайдалану, оқулықтармен, оқу-әдістемелік кешендермен және оқу-әдістемелік құралдармен қамтамасыз етілуге;
- 5) өзінің адами қасиетін, денсаулығын сақтауға;
- 6) оқудағы және шығармашылық қызметтегі табыстары үшін көтермелеуге құқығы бар.

9.4. Серіктестіктегі тәртіп тәрбиеленушілер мен қызметкерлердің адами қадір-қасиетті құрметтеу негізінде қолдау табады. Оқушыларға қатысты қара күш және психикалық зорлық көрсету әдістерін қолдануға жол берілмейді.

9.5. Ата-аналар (заңды өкілдер) мен Серіктестіктің арасындағы қарым-қатынастар осы Жарғының ережелерімен реттеледі.

9.6. Ата-аналардың (заңды өкілдердің):

- 1) тәрбиеленушінің құқығы мен мүдделерін қорғауға;
- 2) баланың қалауын, жеке бейімділігі мен ерекшеліктерін ескере отырып, білім беру ұйымын таңдауға;
- 3) Серіктестікті басқару органдарының жұмысына ата-аналар комитеттері арқылы қатысуға;
- 4) өз баласының үлгеріміне, мінез-құлқына және оқуына жағдай жасалуына қатысты акпаратты алуға;
- 5) баланы оқыту мен тәрбиелеу мәселелері бойынша Серіктестіктің педагогтарымен және психологтарымен ақылдасуға;
- 6) шарт негізінде балаларына қосымша қызметтер алғызуға құқығы бар.

9.7. Ата-аналар (заңды өкілдер):

- 1) балаға салауатты өмір сүруі және қауіпсіз білім алуы үшін жағдай жасауға, олардың зияткерлік және дене бітімінің дамуын, адамгершілігінің

калыптасуын қамтамасыз етуге;

2) олардың құқықтары мен міндеттеріне қатысты Жарғы мен ішкі еңбек тәртібі ережесінің бөлігін орындауға;

3) ата-аналар жиналысна қатысуға, қажет болған жағдайда оқу-тәрбие үдерісі бойынша жеке педагогикалық әңгімелесу және нақтылы педагогикалық көмек көрсету үшін әкімшіліктің немесе педагогтің шақыруы бойынша Серіктестікке келуге;

4) тәрбиеленушінің Серіктестікке келуін қамтамасыз етуге;

5) бала келтірген материалдық залалды Қазақстан Республикасының заңнамасында белгіленген тәртіппен өтеуге;

6) тәрбиеленушіні белгіленген үлгідегі қажетті және спорттық киімімен қамтамасыз етуге міндетті.

9.8. Серіктестіктің педагог қызметкерлері:

1) кәсіби қызметтің жағдайларын жасай отырып, педагогикалық қызметпен айналысуға;

2) ғылыми-зеттеу, тәжірибе-эксперименттеу жұмысымен айналысуға, педагогикалық практикаға жаңа әдістемелер мен технологиялар енгізуге;

3) білім беру деңгейіне сәйкес келетін мемлекеттік жалпыға міндетті білім беру стандартының талаптарын сақтау шартымен педагогикалық қызметті ұйымдастырудың әдістері мен түрлерін еркін таңдауға;

4) атқаратын лауазымына және мамандығына сәйкес Серіктестіктің қызметіне қатысуға;

5) Серіктестіктің қызметіне байланысты мәселелерді еңбек ұжымымен бірге талқылауға;

6) санатын арттыру, қызметтік өсу мақсатында біліктілігін арттыруға және мерзімінен бұрын аттестаттаудан өтуге;

7) өзінің кәсіби абыройы мен қадір-қасиетін қорғауға;

8) біліктілік санатына және штаттық кестесіне сәйкес кепілдендірілген жалақысын алуға құқылы.

10-тарау. Мүлік және қаржыландыру

10.1. Жеке бөбекжайдың мүлкі құрылтайшының салған салымдарынан, өз қызметінен түскен табыстардан және ҚР заңнамасында тыйым салынбаған басқа да көздерден қалыптасады.

10.2. Бөбекжай мемлекеттік білім беру тапсырысын (жан басына шаққандағы қаржыландыру) орналастыруға және заңнама аясында қосымша ақылы қызметтер (үйірмелер, қосымша дамыту топтары) ұсынуға құқылы.

11-тарау. Ақылы қызмет көрсету тәртібі

11.1. Ақылы қызмет көрсетудің тәртібі Қазақстан Республикасының қолданыстағы заңнамалар негізінде анықталады.

11.2. Серіктестік жұмыс күндері және демалыс күндері осы мектепке дейінгі ұйыммен қамтылған және қамтылмаған тәрбиеленушілер үшін

білім беру, сауықтыру сипатындағы қосымша ақылы қызметтер көрсетуге құқылы.

11.2.1. Ақылы қызметтер көрсетуден түскен қаражат мамандарға жалақы төлеуге, құралдар сатып алуға, Қазақстан Республикасының «Білім туралы» Заңның 63-бабына сәйкес тиісті дамытушы орта құруға бағытталады.

11.3. Серіктестік ұсынатын ақылы тауарлар (жұмыстар, қызметтер) бағасын Басқару органы бекітеді.

11.4. Ақылы қызмет мемлекеттік білім беру тапсырысы шеңберінде қаржыландырылатын негізгі білім беру қызметінің орнына көрсетілмейді.

11.5. Ақылы қызмет тәрбиеленушілерге Серіктестік пен ата-аналар (заңды өкілдері) арасында жасалатын шарттар негізінде жеке кесте бойынша ата-аналардың (заңды өкілдерінің) қалауы бойынша беріледі.

11.6. Ақылы қызметті іске асыруға байланысты Серіктестік пен тәрбиеленуші, оның ата-анасының және өзге де заңды өкілдерінің арасындағы қарым-қатынас білім беру деңгейін, оқу мерзімін, оқуы үшін төлем мөлшерін айқындайтын шартпен реттеледі.

12-тарау. Серіктестіктің заңды мәртебесі

12.1. Серіктестік мемлекеттік тіркеуден өткен сәттен бастап заңды тұлға құқығына ие болады.

12.2. Серіктестіктің өзінің мөрі, дербес балансы, банктерде есепшоттары, өз атауымен жазылған бланкілері болады.

12.3. Серіктестік өзінің қызметінің мақсатына жету үшін өзінің атынан мәмілелер жасауға, мүліктік және жеке мүліктік емес құқықтарды иеленуге, міндеттерін орындауға, сотта талапкер және жауапкер болуға құқылы. Серіктестік Қазақстан Республикасының аумағында және шетелде филиалдарды және өкілдіктерді ашуға, басқа да заңды тұлғалармен бірлестіктерге (қоғамдарға) кіруге және өзге де заңды тұлғалардың қатысушысы болуға құқылы.

12.4. Серіктестік өзінің міндеттемелері бойынша өзінің қарауындағы барлық мүлкімен жауап береді. Мемлекет Серіктестіктің қарыздары бойынша жауап бермейді. Серіктестік мемлекеттің қарыздары үшін жауап бермейді. Серіктестік өзінің қатысушысының міндеттемелері бойынша жауап бермейді, қолданылатын заңдармен көзделген жағдайларды қоспағанда.

12.5. Серіктестіктің қатысушысы оның міндеттемелері бойынша жауап бермейді және Серіктестіктің қызметіне байланысты оның шығындарына өзінің қосқан салымдарының құны мөлшерінде тәуекел етеді.

12.6. Серіктестік қолданылатын заңдарға сәйкес облигацияларды шығаруға құқылы.

11-тарау. Серіктестік қызметінің негізгі мақсаттары және қызмет түрі 11.1. Серіктестіктің қызметінің негізгі мақсаты табыс табу болып саналады. Серіктестік Қазақстан Республикасында қолданылатын заңдарымен тыйым салынбаған қызметтердің барлық түрін атқара алады.

11.2. Тізімі заң актілерімен белгіленген кейбір қызмет түрлерімен, Серіктестік лицензия негізінде шұғылдана алады.

12-тарау. Қызметті тоқтату және қайта құру

12.1. Бөбекжай қызметін тоқтату (қайта құру немесе тарату) Қазақстан Республикасының Азаматтық кодексіне және қолданыстағы заңнамаларға сәйкес Жалғыз құрылтайшының шешімімен немесе сот тәртібімен жүзеге асырылады.